

шестидесят и стом богоносных отецъ пришествием и стечением утвержда-
 шесся, их же начальници беша и предоблисташа Мина убо в начале, та же и
 Евтихий того же царствующаго града по последованию архиерейств⁶³
 управивше кормила, и Вигилий, иже римскаго священное || получив епи- л. 396 об.
 скопство, сый убо во граде, не сый же в соборе, иже аще и не усерден
 во стечении⁶⁴ священнаго множества устроися. Но обаче ничим же мене⁶⁵
 общую⁶⁶ отецъ веру утверждаше свитком, с ними же Аполинарий Але-
 ксандрийскый⁶⁷ и Домн Антиохийскый архиерейским достоинством укра-
 шени, еще же и Дидим и Евагрии Евстохиа Иерусалимскаго архиереа
 место наполняюще. Тогда же Иустиниан нарочитейший в царех греческаго
 начальства⁶⁸ божественною ревностию и святою яростию разжигаяся⁶⁸
 попечение велие⁶⁹ || творяше и церковному соглашаше мудрованию. л. 397

Сей убо святыи и вселенскый собор Несториева паки прозябаемая
 догма та скверная во еже отгудь отжа⁹ вкупе с самим сеятеlem⁷⁰ плевел,
 с ним же Феодора и Диодора, от них же ов убо Тарса града, ов же Моп-
 суестийскаго епископствова,⁷¹ иже Несториеву первее⁷² такуюю болевше
 ересь и написана оставиша любодейщныя мысли прелюбодейная и ино-
 племенная рожения. Еще же осуди и проклял Оригена,⁷³ Дидима, Евагрия
 древняя верных недугования, му||жей еллинское баснословие в божию л. 397 об.
 церковь приносить⁷⁴ тшщащихся: прежде бо телес быти душам сии бледяху
 и во многа телеса ту же душу преодеятися, догму скверну и оплеванну и
 единых яко во истинну оных душъ достойну; и конецъ же⁷⁵ бесконечныя
 муки проповедаху, — ино сие призвание ко греху всякому и погибели;⁷⁶
 и лукавым бесом первое достоинство дароваху, въстещи тем в вышнюю
 славу из нея же испадоша мечтающе; еще же ниже телеса⁷⁷ душам
 хотяху свостати, нагих же тех от || телес воставляют; не вем, во что и л. 398
 нарицающе воскресение, аще бо падающаго⁷⁸ и умирающаго воскре-
 сение есть, а не стоящаго присно и в нетлении пребывающаго, якова же
 есть душа. Ниже сего убо явшеся окааннии, елико яково неправдование,
 ими же блядут праведнаго судию оклеветаютъ, како бо не последнюю
 неправду на него свидетельствуют, сострадавшая убо телеса душам добро-
 делными⁷⁹ труды общих⁸⁰ натрижнений лишити его хуляще, съпрегре-
 шившая же паки и⁸¹ общиа⁸² вины и деяния незапрещенна || оставляти, л. 398 об.
 единых же душъ кроме съдействовавших телес или сугубое истязоватися
 мучение или сугубаго сподоблятися мьздовоздаанна. Не точию же такovyа
 хулы священныи сей отецъ лик отверже, но и прежде убо сих немногом
 наперед временем низложи и проклял Анфима Трапезонтянина⁸³ Евтихово
 согревающа⁸⁴ мудрования,⁸⁵ и Севира, Петра же Апамийскаго,⁸⁶ и Зоора,
 и вселукавое оно и многоглавное разсеанне⁸⁷ и содружество. Агапиту убо л. 399
 паче римскому благочестивая деанна предна||ченшу сосудником же и со-
 действеником явльшимся преименитым архиереем, от них же убо Ефре-
 мий славный Антихова же сей, Иерусалима же Петр священныи пред-
 стательствоваше. Сих убо все божественное архиереев собрание отсеке и
 отвергше, незаблудныя и божественная соборныя церкви укрепиша и утвер-
 диша догматы. И деанна убо вселенскаго пятаго собора в сих.⁸⁸

⁹ отсеке пояснение, написано на поле справа тем же почерком и теми же чернилами А; то же В.

⁶³ архиерейство Г. ⁶⁴ течение Б; стечие ГС. ⁶⁵ мене БГС. ⁶⁶ общую ГС.
⁶⁷ Александрийскый С. ^{68—68} Нет БГС; вставлено на поле справа В. ⁶⁹ Нет
 БГС; вписано над строкой В. ⁷⁰ сятеlem С. ⁷¹ епископства БГ. ⁷² первее Б.
⁷³ Оригена Г. ⁷⁴ привности БГС. ⁷⁵ Нет ГС. ⁷⁶ погыбел Б. ⁷⁷ телесам Г.
⁷⁸ подающаго Б. ⁷⁹ добродетельным Г. ⁸⁰ опщих ГС. ⁸¹ от БГ. ⁸² об-
 щаа Б; общиа С. ⁸³ Трапезонтянина Б. ⁸⁴ согревающе Г. ⁸⁵ мудрование БГ.
⁸⁶ Аполийскаго Б. ⁸⁷ разсианне С. ⁸⁸ сех ГС.